

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) i člana 55. stav 1. tačka b. Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, broj 8/11), na prijedlog Kantonalne uprave civilne zaštite, Vlada Zeničko-dobojskog kantona, na 72. sjednici, održanoj dana 06.10.2016. godine, d o n o s i

ZAKLJUČAK

I.

Prihvata se Program rada za izradu Plana zaštite od požara Zeničko-dobojskog kantona u Zeničko-dobojskom kantonu.

II.

Zadužuje se Kantonalna uprava civilne zaštite da formira radnu grupu za koordiniranje aktivnosti na izradi Procjene ugroženosti od požara i Plana zaštite od požara i donese Rješenje o imenovanju članova radne grupe u skladu sa Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, broj 8/11).

Za izradu Plana zaštite od požara, Kantonalna uprava civilne zaštite Zeničko-dobojskog kantona će angažovati naučne i druge institucije, odnosno pravna lica koje ispunjavaju uvjete za obavljanje ovakvih zadataka u skladu sa Zakonom o javnim nabavkama.

III.

Zaključak stupa na snagu danom donošenja.

Broj: 02-_____/16.

Datum, 06.10.2016. godine

Z e n i c a

PREMIJER

Miralem Galijašević

DOSTAVLJENO:

1x Kantonalna uprava civilne zaštite,

1x Svim ministarstvima i drugim tijelima kantonalne uprave,

1x a/a.

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
V L A D A

PROGRAM RADA
ZA IZRADU PLANA ZAŠTITE OD POŽARA
ZENIČKO-DOBOJSKOG KANTONA

Zenica, septembar 2016. godine

U skladu sa članom 55. stav 1. tačka b. Uredbe o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, br. 8/11), na prijedlog Kantonalne uprave civilne zaštite, Vlada Zeničko - dobojskog kantona donosi

PROGRAM RADA ZA IZRADU PLANA ZAŠTITE OD POŽARA ZENIČKO-DOBOJSKOG KANTONA

1. Uvod

Donošenje Programa rada za izradu Plana zaštite od požara Zeničko-dobojskog kantona (u daljem tekstu: Program rada), predviđeno je članom 54. stav 1. Uredbe o sadržaju i načinu izrade planova i spašavanja od prirodnih i drugih nesreća i planova zaštite od požara (u daljem tekstu: Uredba) („Službene novine Federacije BiH“, br. 8/11).

Plan zaštite od požara Zeničko-dobojskog kantona (u daljem tekstu: Plan zaštite od požara), koji se izrađuje na osnovu Uredbe, predstavlja dokument koji služi za organizovani pristup u pripremanju, organizovanju i provođenju zaštite od požara za kantonalne organe vlasti i pravna lica koja su dužna donijeti Plan zaštite od požara.

U Planu zaštite od požara utvrđuje se organizacija i način provođenja mjera zaštite od požara i određuju zadaci za organe vlasti i druge subjekte, kao i snage i sredstva potrebna za neposredno ostvarivanje mjera predviđenih Zakonom o zaštiti od požara i vatrogastvu („Službene novine Federacije BiH“, br. 64/09, u daljem tekstu: Zakon).

Plan zaštite od požara izrađuje se na osnovu:

- procjene ugroženosti od požara područja općina, odnosno kantona koja je sastavni dio jedinstvene procjene ugroženosti od prirodnih i drugih nesreća u skladu sa Metodologijom za izradu procjene ugroženosti od požara („Službene novine Federacije BiH“, br. 8/11) i Metodologijom za izradu procjene ugroženosti od prirodnih i drugih nesreća („Službene novine Federacije BiH“, br. 35/04) i
- kadrovskih i materijalnih i drugih uvjeta značajnih za zaštitu od požara.

Za izvršenje zadataka na izradi Plana zaštite od požara formirati će se radne grupe ili druga radna tijela, a za mjere zaštite od požara, za koje je potrebna stručna podloga, angažovat će se naučne i druge institucije odnosno pravna lica koje ispunjavaju uvjete za obavljanje ovakvih zadataka utvrđene Zakonom i podzakonskim propisima odnosno koje imaju odgovarajuće ovlaštenje nadležnog ministarstva.

2. Kantonalna ministarstva, kantonalne uprave i upravne organizacije, javna preduzeća i pravna lica, koji će učestvovati u izradi Plana zaštite od požara Zeničko-dobojskog kantona.

U izradi Plana zaštite od požara dužni su učestvovati slijedeći organi vlasti, ustanove, javna preduzeća i pravna lica Zeničko-dobojskog kantona:

1. Kantonalna uprava civilne zaštite (KUCZ)
2. Kantonalni štab civilne zaštite (KŠCZ)
3. Ministarstvo prostornog uređenja, promet i komunikacije i zaštitu okoline
4. Ministarstvo za rad, socijalnu politiku i izbjeglice
5. Ministarstvo finansija
6. Ministarstvo za poljoprivredu, šumarstvo i vodoprivredu

7. Ministarstvo privrede
8. Ministarstvo zdravstva
9. Ministarstvo unutrašnjih poslova
10. Ministarstvo za obrazovanje, nauku, kulturu i sport
11. Općinske službe civilne zaštite
12. J.P. ŠPD ZDK d.o.o. Zavidovići
13. KU za šumarstvo ZDK
14. Kantonalni zavod za urbanizam i prostorno uređenje
15. J.P. Elektroprivreda BiH d.d. Sarajevo, Podružnica Termoelektrana Kakanj u Kakanju i „Elektro distribucija“ Zenica,
16. Z.D. RMU Kakanj d.o.o. , Kakanj
17. Z.D. RMU Zenica d.o.o., Zenica
18. Z.D. RMU Breza d.o.o., Breza
19. Natron-Hayat d.o.o. Maglaj
20. Kantonalna bolnica Zenica
21. Opća bolnica Tešanj
22. Tvornica cementa Kakanj DD, Kakanj
23. ArcelorMittal Zenica
24. Istrabenz plin Breza, Breza
25. Preduzeća koja se bave prometom nafte i naftnih derivata na području Zeničko-dobojskog kantona
26. Metalurški institut K. Kapetanović, Zenica
27. Univerzitet u Zenici
28. drugi organi i pravna lica po ukazanoj potrebi.

3. Zadaci kantonalnih ministarstva, kantonalnih uprava i upravnih organizacija, javnih preduzeća i pravnih lica i rokovi za izvršenje zadataka

3.1. Kantonalna uprava civilne zaštite

Kantonalna uprava civilne zaštite (u daljem tekstu KUCZ) ima zadatak da organizuje, koordinira izradu i neposredno učestvuje u izradi Plana zaštite od požara.

KUCZ surađuje sa kantonalnim ministarstvima, kantonalnim upravama, kantonalnim upravnim organizacijama, javnim preduzećima i drugim kantonalnim institucijama i pravnim licima, od značaja za zaštitu od požara. Navedeni dokument se izrađuje prema sadržaju, koji je definisan u članovima Uredbe.

3.2. Kantonalna ministarstva, kantonalne uprave i upravne organizacije, javna preduzeća i institucije i drugi subjekti od značaja za zaštitu od požara

Obaveze kantonalnih organa na sprovođenju aktivnosti na izradi Plana zaštite od požara se odnose prije svega na dostavljanje potrebnih podataka.

Navedene podatke kantonalni organi obavezni su dostaviti KUCZ, najkasnije, 15 dana nakon usvajanja Programa rada od strane Vlade ZDK.

U zvaničnim aktima navedenih kantonalnih organa bit će dostavljene podloge za izradu Plana zaštite od požara, (svaki navedeni organ u oblasti za koju je nadležan), a koordinaciju aktivnosti na realizaciji tih zadataka ostvarivat će KUCZ.

3.3. Pravna lica

U cilju izrade Plana zaštite od požara, pravna lica, osobito ona sa većim izvorima opasnosti, dužna su dostaviti podatke o:

- načinu organiziranja i ostvarivanja zaštite od požara,
- poduzetim mjerama za provođenje i unapređenje zaštite od požara,
- mjestima i prostorima u kojima postoji povećanja opasnost od izbijanja požara, nastanka eksplozija kao i prenošenja otvorene vatre,
- količinama i načinu skladištenja požarno-opasnih materija,
- dužnostima i načinu ponašanja zaposlenih lica u slučaju pojave požara,
- sadržaju svog plana zaštite od požara i načinu provođenja tog plana,
- ličnoj i materijalnoj formaciji vatrogasne jedinice (ukoliko je formirana).

Obavezu iz stava 1. imaju pravna lica u kojima se proizvode, prerađuju, distribuiraju ili skladište zapaljive, eksplozivne i ostale opasne materije, u kojima zbog toga postoji povećana opasnost od požara ili eksplozija, što se određuje prema Pravilniku o uvjetima, osnovama i kriterijima za razvrstavanje građevina u kategorije ugroženosti od požara („Službene novine Federacije BiH“, br. 79/11).

AKTIVNOSTI	NOSILAC AKTIVNOSTI	ROK IZVRŠENJA	NAPOMENA
1	2	3	4
A) PROGRAM RADA			
1. Sačinjavanje Programa rada za izradu Plana zaštite od požara	Kantonalna uprava civilne zaštite	oktobar. 2016. godine	
2. Donošenje Programa rada za izradu Plana zaštite od požara	Vlada ZDK	oktobar 2016. godine	
B) RADNA GRUPA			
1. Formiranje radne grupe za koordiniranje aktivnosti na izradi procjene ugroženosti i plana zaštite od požara Određuju se organi koji će učestvovati u izradi procjene ugroženosti od požara i plana zaštite od požara kantona, utvrđuju njihovi konkretni zadaci i rokovi za izvršenje planiranih zadataka i način ostvarivanja suradnje. Za izvršenje zadataka formira se radna grupa, a za elemente Plana zaštite od požara, za koje je potrebna stručna podloga, angažovati će se naučne i druge institucije odnosno pravno lice koje ispunjava uvjete za obavljanje ovakvih zadataka.	Kantonalna uprava civilne zaštite	oktobar 2016. godine	Radna grupa se formira prema odredbama Uredbe o uslovima i načinu formiranja radnih tijela Vlade ZDK, upravnih organizacija i organa uprave ZDK. Radnu grupu sačinjavaju uposlenici KUCZ, nadležnih ministarstava, naučnih i drugih institucija i pravnih lica.
2. Donošenje Rješenja o imenovanju članova radne grupe	Kantonalna uprava civilne zaštite	oktobar 2016. godine	

1	2	3	4
C) PROCJENA UGROŽENOSTI OD POŽARA			
1. Prikupljanje neophodnih podataka i izrada procjene ugroženosti od požara Procjena ugroženosti od požara kantona sadrži: - Prikaz postojećeg stanja - Stručnu obradu podataka - Prijedlog tehničkih i organizacijskih mjera koje je potrebno provesti kako bi se opasnost od nastajanja i širenja požara smanjila na najmanji mogući nivo - Procjenu ugroženosti za područja općina - Zaključak i - Grafičke priloge. I. Prikaz postojećeg stanja mora obuhvatiti sljedeće podatke: - geografski položaj, geološko-hidrološke, klimatske i seizmičke uvjete; - ekonomsku razvijenost kantona po općinama; - površinu kantona; - broj stanovnika po općinama; - pregled područja stambenih, industrijskih, turističkih, gradskih i seoskih naselja, te područja šumskih i poljoprivrednih površina; - pregled građevina na kojima postoji opasnost od nastajanja i širenja požara, a koje su određene procjenom ugroženosti za područje općine; - pregled cestovnih i željezničkih pravaca koje prolaze preko područja kantona uz označavanje priključaka lokalnih saobraćajnica; - pregled vodovodne i vanjske hidrantske mreže, gasovoda, naftovoda i drugih glavnih instalacija za transport zapaljivih i opasnih materija; - pregled većih građevina za uskladištenje zapaljivih, eksplozivnih i gasnih materija ili drugih opasnih materija; - pregled glavnih energetske instalacije;	Ministarstvo finansija (b) Ministarstvo za prostorno uređenje, promet i kom. i zaštitu okolice (a, c, d, e, g) Ministarstvo za poljoprivredu, šumarstvo i vodoprivredu (e, r, s) J.P. ŠPD (e) Općinske službe civilne zaštite (f) Ministarstvo unutrašnjih poslova (i, o, t) Preduzeća koja se bave prometom i preradom požarno opasnih materija (i) Ministarstvo privrede (b,e,h, i, j) KZ za urbanizam i prostorno uređenje (a, b, c, d, e)	Oktobar 2016. godine	Procjena ugroženosti od požara predstavlja osnovni dokument za izradu Plana zaštite od požara kantona. Procjenjivanje ima za cilj da se analiziraju sva pitanja vezana za izradu plana zaštite od požara, i to: - rizici, odnosno uzroci koji mogu dovesti do nastanka požara; - posljedice koje mogu nastati po ljude i materijalna dobra; - utvrđivanje odgovarajuće organizacije zaštite od požara u cilju sprečavanja nastajanja požara, odnosno na spašavanju ljudi i materijalnih dobara; - procjena potreba i mogućnosti u obezbjeđenju ljudskih i materijalnih potencijala neophodnih za ostvarivanje procijenjene organizacije zaštite od požara, i - druga pitanja kojim se smanjuju rizici i uzroci nastajanja požara.

1	2	3	4
k) pregled značajnijih građevina u kojima povremeno ili stalno boravi veći broj lica; l) pregled vatrogasnih domova i broj dobrovoljnih i profesionalnih vatrogasnih jedinica za gašenje požara; m) pregled mjesta na kojima postoji stalno vatrogasno dežurstvo; n) pregled uređenih prirodnih izvorišta vode za gašenje požara; o) pregled sistema telefonske i radio-veze upotrebljivih prilikom gašenju požara; p) pregled operativnih centara civilne zaštite i profesionalnih vatrogasnih jedinica koji se koriste u slučaju dojava nastanka požara; q) pregled zdravstvenih ustanova i bolnica koje bi pružile prvu pomoć ozlijeđenim u gašenju požara; r) pregled šuma po vrstama i stepenu ugroženosti od požara i izgrađenosti protivpožarnih puteva i protivpožarnih prosjeka; s) pregled poljoprivrednih površina i izgrađenosti puteva; t) pregled broja požara i vrsta značajnijih građevina i prostora na kojima su nastajali požari u zadnjih 10 godina na području kantona, po općinama.	Ministarstvo za obrazovanje, nauku, kulturu i sport (k) KU za šumarstvo ZDK (e, r) Kantonalna uprava civilne zaštite (l, m, n, o, p, t) Ministarstvo zdravstva (q) Ministarstvo poljoprivrede, šumarstva i vodoprivrede (n, r, s) J.P. ŠPD (r) Općinske službe civilne zaštite (l, m, t)	Oktobar 2016. godine	Procjena ugroženosti od požara izrađuje se na osnovu svih raspoloživih podataka o požarima koji su se u prethodnom periodu dešavali ili se mogu desiti na određenom području, posljedicama koje su nastajale ili koje mogu nastati, naučnim, tehničkim ili drugim saznanjima i dostignućima i drugim stručnim podlogama koje su korištene ili se mogu koristiti za izradu procjene od požara.
II. Stručna obrada podataka sadrži mišljenje o: - pravilnoj izgrađenosti i povezanosti naselja, gradova, te šumskih i poljoprivrednih površina gledajući uslove za širenje požara; - izgrađenosti puteva za akciju gašenja požara; - stanje izgrađene hidrantske mreže za gašenje požara; - opasnosti od nastajanja požara u građevinama gdje boravi veći broj lica, industrijskim, skladišnim i drugim opasnim građevinama i lokacijama, odnosno zonama;	Pravno lice koje ispunjava uvjete za obavljanje ovakvih zadataka utvrđene Zakonom o zaštiti od požara i vatrogastvu i podzakonskim propisima i koje ima odgovarajuće ovlaštenje nadležnog ministarstva.	Oktobar 2016. godine	Odabir pravnog lica - stručne institucije koja će se angažovati na izradi Procjene ugroženosti i Plana zaštite od požara ZDK izvršit će se u skladu sa ZJN.

1	2	3	4
- opasnostima od nastajanja požara u određenim šumskim i poljoprivrednim područjima;	Pravno lice koje ispunjava uvjete za obavljanje ovakvih zadataka utvrđene Zakonom o zaštiti od požara i	Oktobar 2016. godine	Prijedlog mjera za poboljšanje stanja zaštite od požara, koji

- opasnostima pri transportu i prevozu opasnih materija i određivanju područja na kojima se takva opasnost očekuje; - opasnostima na instalacijama za distribuciju gasa i električne energije; - opasnostima koje proizlaze iz dotrajalosti građevina, tehnologija ili instalacija za razvod energenata; - opasnostima zbog neizgrađenosti puteva ili njihove nedovoljne širine za gašenje požara vatrogasnim vozilima; - funkcionalnosti sistema veza za osmatranje i gašenje požara; - brojnosti i osposobljenosti stanovništva za gašenje požara; - prevozu snaga za gašenje požara; - organiziranosti zdravstvene zaštite i prehrane vatrogasaca tokom akcija gašenja većih požarima; - broju profesionalnih i dobrovoljnih vatrogasnih jedinica. III. Izrada prijedloga tehničkih i organizacijskih mjera koje je potrebno provesti kako bi se opasnost od nastajanja i širenja požara smanjila na najmanji mogući nivo IV. Procjene ugroženosti za područja općina V. Donošenje zaključka VI. Izrada grafičkih priloga	vatrogastvu i podzakonskim propisima i koje ima odgovarajuće ovlaštenje nadležnog ministarstva.		se utvrđuje u procjeni ugroženosti od požara (III), sadrži: - mjere za sanaciju postojećeg stanja, razvojne mjere koje bi se provodile na građevinama, građevinskim dijelovima i otvorenom prostoru, - promjenu namjene građevine ili prostora, - izvođenje novih instalacija za gašenje i dojavu požara, - izgradnju novih izvora i instalacija za opskrbu vodom za gašenje požara, - osnivanje novih jedinica za gašenje požara, - mjere u vezi s loženjem vatre i spaljivanjem korova i drugog biljnog otpada na otvorenom prostoru, - izgradnja novih osmatračkih mjesta za otkrivanje požara na otvorenim prostorima i - izmjenu ili dogradnju sistema veza.
2. Donošenje Procjene ugroženosti od požara područja ZDK	Vlada ZDK	Oktobar 2016. godine	

1	2	3	4
D) PLAN ZAŠTITE OD POŽARA			
1. Izrada prijedloga Plana zaštite od požara U grafičkom dijelu plana zaštite od požara za područje kantona potrebno je dati: 1. pregled građevina i otvorenih prostora važnih za kanton, te građevina i otvorenih prostora u kojima se može očekivati požar većih razmjera u kojem bi učestvovala vatrogasne jedinice s područja više općina ili s područja susjednih kantona, 2. pregled broja, veličine i smještaja vatrogasnih jedinica koje bi učestvovala u gašenju požara navedenih tački 1, 3. prikaz uređenih vodotoka (rijeka, jezera, bazena) za obezbjeđenje vode za gašenje požara, 4. prikaz, elektroenergetskih vodova za obezbjeđenje električnom energijom, te plinovoda za obezbjeđenje plinom, vodovodne mreže za obezbjeđenje vodom i drugih vodova za obezbjeđenje drugim energentima, 5. prikaz skladišta naftnih derivata (terminali), 6. prikaz puteva, željezničkih pruga i vodotokova, 7. prikaz potencijalnih izvora opasnosti za nastanak i širenje požara (odlagališta komunalnog i drugog otpada, trase uz željezničke pruge i ispod dalekovoda i sl.), 8. pregled sistema radio i telekomunikacijskih veza vatrogasnih jedinica, 9. pregled opreme i vozila za posebne namjene kojima raspolažu vatrogasne jedinice. U tekstualnom dijelu plana za područje kantona potrebno je opisati: 1. sistem rukovođenja i komandovanja u akcijama kada u gašenju požara učestvuje više vatrogasnih jedinica i stanovništvo, 2. sistem primanja dojave o požaru i uključivanja u akciju gašenja požara vatrogasnih jedinica te ostalih učesnika, 3. slučajeve kada se i koje vatrogasne jedinice stavljaju u stanje pripravnosti te zaduženja u slučaju upotrebe,	Pravno lice koje ispunjava uvjete za obavljanje ovakvih zadataka utvrđene Zakonom o zaštiti od požara i vatrogastvu i podzakonskim propisima i koje ima odgovarajuće ovlaštenje nadležnog ministarstva.	Oktobar 2016. godine	Plan zaštite od požara izrađuje se na osnovu: - procjene ugroženosti od požara područja kantona i - kadrovskih, materijalnih i drugih uvjeta značajnih za zaštitu od požara. Planom zaštite od požara određuje se broj, veličina, smještaj i organizacija vatrogasnih jedinica na osnovu Procjene ugroženosti od požara.

1	2	3	4
4. nazive i zaduženja zdravstvenih ustanova koje se uključuju u pružanje pomoći ozlijeđenim u akcijama gašenja požara, 5. nazive i zaduženja službi i preduzeća (privrednih društava) te lica koje će vatrogascima obezbijediti hranu i vodu tokom gašenja požara, 6. slučajeve kada se u akciju gašenja požara uključuju Oružane snage Bosne i Hercegovine, 7. slučajeve kada se s nastalim požarom upoznaju predsjednik skupštine kantona, vlada kantona i druga lica zadužena za zaštitu od požara u organima uprave kantona, 8. nazive općina ili pojedinog područja čiji planovi zaštite od požara čine sastavne dijelove plana zaštite od požara za područje kantona, 9. sistem obilaska, osmatranja i dojave vatrogasnim jedinicama i drugim službama u slučajevima opasnosti za nastajanje požara na šumskom ili drugom otvorenom prostoru, 10. popis pravnih lica koja raspolažu potrebnom opremom i mehanizacijom koja bi se mogla koristiti u većim požarima ili havarijama, s osnovnim podacima o toj opremi i mehanizaciji te razrađen sistem uključivanja u gašenje požara.	Pravno lice koje ispunjava uvjete za obavljanje ovakvih zadataka utvrđene Zakonom o zaštiti od požara i vatrogastvu i podzakonskim propisima i koje ima odgovarajuće ovlaštenje nadležnog ministarstva.	Oktobar 2016. godine	Pripremu prijedloga Plana zaštite od požara, vrši kantonalna uprava civilne zaštite uz pomoć pravnog lica zaduženog za njegovu izradu. KUCZ dostavlja prijedlog Plana zaštite od požara Vladi kantona na razmatranje zajedno sa mišljenjem KŠCZ.
2. Usvajanje prijedloga Plana zaštite od požara ZDK	Vlada ZDK	Novembar 2016. godine	
3. Donošenje Plana zaštite od požara ZDK	Skupština ZDK	Decembar 2016. godine	

Tabela 1 - Aktivnosti kantonalnih organa vlasti i drugih subjekata koji učestvuju u izradi procjene ugroženosti i Plana zaštite od požara i rokovi za izvršenje zadataka

4. Usklađivanje Plana zaštite od požara

Usklađivanje planova zaštite od požara sastoji se u tome da se plan zaštite od požara, nižeg organa vlasti i pravnog lica uskladi sa planom zaštite od požara višeg organa vlasti, na sljedeći način:

- 1) Plan zaštite od požara općine usklađuje se sa planom zaštite od požara kantona,
- 2) Plan zaštite od požara državnih organa i drugih institucija i pravnih lica koji su određeni da izrađuju vlastite planove zaštite od požara svoje planove usklađuju sa općinom ili kantonom koji su ih odredili da izrađuju te planove.

3) Plan zaštite od požara javnih preduzeća u općini usklađuje se sa planom zaštite od požara općine.

KUCZ je dužna dostaviti izvode iz plana zaštite od požara kantona službama civilne zaštite u općinama, odnosno javnim poduzećima kantona, ako su u kantonalnom planu zaštite utvrđene zadaće za općine, odnosno za ta javna poduzeća;

Dostavljanje izvoda vrši se najkasnije u roku od 30 dana od dana kada nadležno tijelo donese kantonalni plan zaštite od požara.

5. Donošenje Plana zaštite od požara

Rok za završetak planiranih zadataka na izradi Plana zaštite od požara ZDK je decembar 2016. godine.

Plan zaštite od požara kantona donosi Skupština kantona na prijedlog Vlade kantona.